

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Te Whakarite Hararei

Aronga: Pāngarau 1.1B

Paerewa Paetae: Pāngarau 1.1

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ko tāu mahi he tātaitai i ngā hanga pāngarau o tā Huia rāua ko Mikaere haere ki Ingarangi ki te hararei me tā rāua noho taratahi i tā rāua hokinga mai ki Aotearoa nā te mate korona, KOWHEORI-19.

Te horopaki

E whakarite ana a Huia rāua ko Mikaere i tā rāua hararei ki Ingarangi. E 3 marama te roa o tā rāua noho ki reira, ā, ko tētahi wāhanga o te hararei, ko te haere ki Wīwī me Pāniora mā runga pahi mō te 3 wiki. Ka mutu, i a rāua i tāwāhi, ka pā mai hoki te mate korona, KOWHEORI-19 ki ngā iwi katoa o te ao.

Ko tā rāua whakapae, ka eke ngā whakapaunga pūtea ki te \$240 mō ia rā e noho ana rāua ki Ingarangi, hāunga ngā rā e torotoro ai rāua ki Wīwī me Pāniora. Kua whakatau tata te \$240 ki te \$20 e pātata ana.

E \$850 tā Huia utu i te wiki i tana mahi. Ka penapena ia i te 25% o tēnei pūtea i ia wiki, hei utu i tā rāua hararei.

E \$790 tā Mikaere utu i te wiki i tana mahi. Ka penapena ia i te 35% o tēnei pūtea i ia wiki, hei utu i tā rāua hararei.

E \$2,500 te utu o te rerenga mō te tangata kotahi kia haere ki Ingarangi, me te tāpiritanga tāke hokohoko 15% (GST).

E £2,000 (pauna Ingarangi) te utu o te haere mā runga pahi ki ngā whenua o Wīwī me Pāniora, mō te tangata kotahi, mō ngā wiki e 3.

Ko te pāpātanga whakawhiti moni: \$1 Aotearoa = £0.4931 Ingarangi
(20/03/2021)

I a rāua i Ingarangi, ka pā mai te mate korona, KOWHEORI-19. Kia hoki mai rāua ki Aotearoa me noho taratahi rāua ki te hōtēra mō ngā wiki e rua. E \$200 te utu i ia rā mō te tangata kotahi. Ka utua e te Kāwanatanga te 2/3 o te utu katoa, ā, mā rāua hei pīkau te toenga atu o taua utu.

Hei mahi

Hei mahi 1

1. Whiriwhirihia te rahi o te pūtea hei utu i tā rāua hararei.
2. Whiriwhirihia te roa o te wā hei penapena i tēnei pūtea.
3. Whakaaturia ngā whiriwhiringa katoa, me ngā whakamārama i te taha ki te reo Māori.

Hei mahi 2

1. Whiriwhirihia te rahi o te pūtea hei utunga mā rāua ki te noho mohoao.
2. He aha te rahinga katoa o tā rāua utunga mō te hararei me te noho taratahi.
3. Kōtuituia mai ngā momo kōrero mō te mate korona, KOWHEORI-19.
4. Whakaaturia ngā whiriwhiringa katoa, me ngā whakamārama i te taha ki te reo Māori.

Ngā mahi hei tāpae

Mā kōrua ko tō kaiako e whakatau mehemea he pūrongo, he whakaaturanga, he aha rānei te momo tāpaetanga – te roa, te taumaha, te aha atu. Ahakoa te momo, me whakamahi i ngā tikanga tau whitake, ā, me whakaatu i ngā whiriwhiringa katoa, me ngā whakamārama i te taha ki te reo Māori.

Kuputaka

KOWHEORI-19

COVID-19

mate korona

coronavirus

noho taratahi

isolation/quarantine

pāpātanga whakawhiti moni

currency exchange rate